



გამარტივებული ელექტრონული ტენდერის საშუალებით

კარტიჯების აღდგენა-დატუმბვის მომსახურების (CPV 50300000) სახელმწიფო შესყიდვის
სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონისა და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის №9 ბრძანების საფუძველზე.

1. ინსტრუქცია ტენდერში მონაწილეთათვის

- 1.1 ელექტრონული შესყიდვა ტარდება სახელმწიფო შესყიდვების ერთიანი ელექტრონული სისტემის (შემდგომში - სისტემა) მეშვეობით.
- 1.2 სისტემაში შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად.
- 1.3 გამარტივებულ ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნას ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში, მათ უნდა დაერთოს ნოტარიულად დამოწმებული ქართული თარგმანი.
- 1.4 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.
- 1.5 სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ასეთის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).
- 1.6 ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.
- 1.7 ტენდერის ჩატარების შესახებ განცხადებით ან/და სატენდერო დოკუმენტაციით მოთხოვნილი ინფორმაციის არასრულად წარმოდგენამ ან ისეთი სატენდერო წინადადების წარმოდგენამ, რომელიც არ პასუხობს ტენდერის ჩატარების შესახებ განცხადების ან/და სატენდერო დოკუმენტაციის ყველა მოთხოვნას, შესაძლებელია გამოიწვიოს ტენდერში მონაწილე პრეტენდენტის დისკვალიფიკაცია.
- 1.8 „გამარტივებული ელექტრონული ტენდერისა და ელექტრონული ტენდერის ჩატარების წესის“ შესახებ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული წესის მე-2 მუხლის პირველი პუნქტის „კ“ ქვეპუნქტით გათვალისწინებული სტატუსის მინიჭებიდან ამავე პუნქტის „მ“ ქვეპუნქტით გათვალისწინებული სტატუსის მინიჭებამდე, არაუგვიანეს 24 საათისა, ნებისმიერ მიწოდებელს უფლება აქვს სისტემის მოდულის – „კითხვა/პასუხის“ მეშვეობით მოსთხოვოს შემსყიდველ ორგანიზაციას სატენდერო განცხადებისა და სატენდერო დოკუმენტაციის დაზუსტება.
- 1.9 სატენდერო დოკუმენტაციის შესახებ დამატებითი ინფორმაციის და შესყიდვის პროცედურების შესახებ განმარტებების მისაღებად, მიმართეთ სატენდერო კომისიის აპარატის წევრს - მარიამ გიუნაშვილს, ტელ: (+995 32) 2 357777 1605, ელ. ფოსტა: mgunashvili@metro.ge. მის: ქ. თბილისი, ვაგზლის მოედანი №2.

2. ტექნიკური დოკუმენტაცია

2.1 შესყიდვის ობიექტი

- 2.1.1 შესყიდვის ობიექტს წარმოადგენს - გამარტივებული ელექტრონული ტენდერის საშუალებით (პრეისკურანტის წესით) **კარტრიჯების აღდგენა-დატუმბვის მომსახურების** (შემდგომში - მომსახურება) (CPV50300000) სახელმწიფო შესყიდვა.
- 2.1.2 გასაწევი მომსახურების ტექნიკური და ხარისხობრივი მახასიათებლები განისაზღვრება სატენდერო დოკუმენტაციის დანართი №2-ის (პრეისკურანტის) შესაბამისად.

2.2 მომსახურების გაწევის ვადა და ადგილი

- 2.2.1 მომსახურების გაწევის ვადა:
კარტრიჯების აღდგენა-დატუმბვის მომსახურება უნდა განხორციელდეს 2017 წლის 01 იანვრიდან - 2017 წლის 20 დეკემბრის ჩათვლით, ეტაპობრივად, შემსყიდველის მიერ წერილობითი მოთხოვნიდან - არაუგვიანეს 5 (ხუთი) სამუშაო დღის ვადაში.
- 2.2.2 მიწოდების ადგილი:
აღდგენილი/დატუმბული კარტრიჯების მიწოდების ადგილია - ქ. თბილისი, ვაგზლის მოედანი №2.

2.3 სატენდერო წინადადების ღირებულება

- 2.3.1 სატენდერო წინადადების ღირებულება და პრეტენდენტის მიერ წარმოსადგენი მომსახურების ხარჯთაღრიცხვა განისაზღვრება სატენდერო დოკუმენტაციის დანართი №1-ის (პრეისკურანტი) შესაბამისად.
- 2.3.2 პრეტენდენტი ელექტრონული ვაჭრობისას სატენდერო წინადადების ფასის კლებას ახორციელებს პრეისკურანტის სავარაუდო ღირებულებასთან მიმართებაში. კარტრიჯის დატუმბვის მომსახურების ერთეულის ღირებულებები, პოზიციების შესაბამისად პრეტენდენტის მიერ მითითებული უნდა იქნას პრეისკურანტში (დანართი №1-ში) და არ უნდა აღემატებოდეს პრეისკურანტში შესაბამის პოზიციებზე დაფიქსირებულ ზღვრულ ერთეულის ფასებს.
- 2.3.3 პრეისკურანტის სავარაუდო ღირებულებაა - 330 (სამას ოცდაათი) ლარი.
- 2.3.4 შესყიდვის ობიექტის სახელშეკრულებო ღირებულებაა - 12'000 (თორმეტი ათასი) ლარი.
- 2.3.5 თუ მომსახურების პროცესში აღმოჩნდება, რომ საჭირო გახდა ისეთი მომსახურების მოწოდება, რომელიც არ იყო განსაზღვრული პრეისკურანტში, ასეთ შემთხვევაში მხარეები იხელმძღვანელებენ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ 26-ე მუხლის მე-5 პუნქტით გათვალისწინებული პირობების შესაბამისად.
- 2.3.6 ელექტრონული ვაჭრობის შედეგად პრეისკურანტის სრულ ღირებულებაზე ფასების კლების შემთხვევაში, მომსახურების ერთეულის ღირებულებებზე ფასების კლება განისაზღვრება პროპორციული პროცენტული ოდენობების შესაბამისად.

- 2.3.7 კარტრიჯის აღდგენა-დატუმბვის ფასის წარმოდგენისას პრეტენდენტებმა უნდა გაითვალისწინონ, რომ აღნიშნული ფასი უნდა მოიცავდეს როგორც დაცლილი კარტრიჯის ფხვნილით შევსებას, ასევე საჭიროების შემთხვევაში დაზიანებული დეტალების (დანები, დრამი, დამმუხტავი თუ მაგნიტური ლილვები და ა.შ.) გამოცვლას.
- 2.3.8 სატენდერო წინადადებაში საერთო და ერთეულის ღირებულება გამოსახული უნდა იყოს საქართველოს კანონმდებლობით გათვალისწინებული და გასაწევ მომსახურებასთან დაკავშირებული ყველა გადასახადისა და გადასახდელის ჩათვლით.
- 2.3.9 სატენდერო წინადადების საერთო და ერთეულის ღირებულების წარმოდგენა დასაშვებია მხოლოდ ლარში.
- 2.3.10 კარტრიჯების აღდგენა-დატუმბვის მომსახურების გაწევისას ტრანსპორტირებასთან დაკავშირებული ყველა ხარჯი ეკისრება მიმწოდებელს.

2.4 ანგარიშსწორების პირობები

- 2.4.1 ანგარიშსწორება განხორციელდება უნაღდო ანგარიშსწორების ფორმით ლარში, ფაქტურად გაწეული მომსახურების შესაბამისად.
- 2.4.2 ანგარიშსწორება მოხდება 2017 წლის საკუთარი შემოსავლებით.
- 2.4.3 ანგარიშსწორება განხორციელდება 15 (თხუთმეტი) სამუშაო დღის განმავლობაში, ხელშეკრულების შესაბამისად გაფორმებული მიღება-ჩაბარების აქტისა და საგადასახადო ანგარიშ-ფაქტურის (იმ შემთხვევაში თუ მიმწოდებელი არ არის დღგ-ს გადამხდელი, მაშინ მან უნდა წარმოადგინოს შესაბამისი ცნობა სსიპ შემოსავლების სამსახურიდან) წარდგენის საფუძველზე.
- 2.4.4 წინასწარი ანგარიშსწორება (ავანსი) არ გამოიყენება.

2.5 საგარანტიო პირობები და ვადები

- 2.5.1 კარტრიჯზე ნებისმიერი შეცვლილი დეტალი უნდა იყოს ახალი და ხარისხიანი.
- 2.5.2 მომწოდებლის მიერ შეცვლილ ნაწილებზე, სწორი ექსპლუატაციის პირობებში, უნდა მოქმედებდეს საგარანტიო ვადა მიღება - ჩაბარების აქტის გაფორმების თარიღიდან მინიმუმ 6 (ექვსი) თვე.
- 2.5.3 იმ შემთხვევაში, თუ საგარანტიო ვადის გასვლამდე, სწორი ექსპლუატაციის პირობებში, შეცვლილ სათადარიგო დეტალებს აღმოაჩნდება დეფექტი, ნაკლის აღმოფხვრის მიზნით შემსყიდველი მიმართავს მიმწოდებელს, რომელიც აღმოჩენილ ნაკლოვანებას აღმოფხვრის უსასყიდლოდ.
- 2.5.5 უხარისხო აღდგენა-დატუმბვის შემთხვევაში, კარტრიჯის განმეორებითი აღდგენა-დატუმბვა უნდა განხორციელდეს კომპანიის სხვადასხვა ადგილას მდებარე ობიექტზე, შემსყიდველის მიერ წერილობითი მოთხოვნიდან - არაუმეტეს 2 (ორი) სამუშაო დღის ვადაში.
- 2.5.6 აღდგენილ კარტრიჯებს უნდა გააჩნდეთ დამკავი ლენტი (ტრანსპორტირებისას ფხვნილის კარტრიჯიდან გადმოყრის თავიდან ასაცილებლად), შეფუთული უნდა იყოს უსაფრთხო ტრანსპორტირების უზრუნველყოფისათვის აუცილებელი შეფუთვით, ასევე უნდა იყოს გასუფთავებული და არ იწვევდეს მომხმარებლის დასვრას ნარჩენი ტონერით.
- 2.5.7 ყველა აღდგენილ კარტრიჯს უნდა მოყვებოდეს აღდგენის შემდგომ კარტრიჯის ტესტირების ფურცელი.
- 2.5.8 დატუმბვის შემდეგ კარტრიჯმა მისი ექსპლუატაციის ნორმალურ პირობებში ფურცელზე არ უნდა დატოვოს ზედმეტი წერტილები და ხაზები.
- 2.5.9 აღდგენილ კარტრიჯებზე კარტრიჯის სრულ დაცვამდე უნდა ვრცელდებოდეს გარანტია, რომ ბეჭდვის ხარისხი და ნაბეჭდი ფურცლების რაოდენობრივი მახასიათებლები შესაბამისობაში იქნება ორიგინალი კარტრიჯის მწარმოებლის შესაბამის მონაცემებთან. წინააღმდეგ შემთხვევაში, მიმწოდებელი საკუთარი ხარჯებით განახორციელებს საჭირო დეტალების გამოცვლას ან/და დაზიანებული კარტრიჯის შეცვლას ახლით.

2.6 ალტერნატიული წინადადება

პრეტენდენტს არ აქვს უფლება წარმოადგინოს ალტერნატიული წინადადება.

2.7 პრეტენდენტის მიერ სისტემაში ასატვირთი დოკუმენტაცია

- 2.7.1 სატენდერო დოკუმენტაციით გათვალისწინებული დანართი №1 (კარტრიჯების აღდგენა- დატუმბვის მომსახურების პრეისკურანტი). აღნიშნულ დანართში პრეტენდენტის მიერ მითითებულ უნდა იქნას პრეტენდენტის დასახელება, მომსახურების პრეისკურანტის ფასი (როგორც სიტყვიერად, ისე ციფრებით), მომსახურების საერთო და ერთეულის ღირებულებები დღგ-ის ჩათვლით მომსახურებისთვის საჭირო საქონლის წარმოშობის ქვეყანა, მწარმოებელი ფირმა და მოდელი, მომსახურების გაწევის და საგარანტიო ვადები) ამავე დანართით გათვალისწინებული პირობების შესაბამისად.
- 2.7.2 სატენდერო დოკუმენტაციით გათვალისწინებული დანართი №2 (ტექნიკური დავალება) ამავე დანართით გათვალისწინებული პირობების შესაბამისად.
- 2.7.3 სატენდერო დოკუმენტაციით გათვალისწინებული დანართი №3 (პრეტენდენტის რეკვიზიტები) ამავე დანართით გათვალისწინებული პირობების შესაბამისად.
- 2.7.4 სატენდერო დოკუმენტაციით გათვალისწინებული დანართი №4 - დამატებითი მოთხოვნები - ხელმოწერილი უფლებამოსილი პირის მიერ და ბეჭედდასმული (ასეთის არსებობის შემთხვევაში).
- 2.7.5 სატენდერო დოკუმენტაციის 2.8.2 ქვეპუნქტში მითითებული დოკუმენტები.

2.8 დამატებითი ინფორმაცია

- 2.8.1 იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან ითხოვს ფასწარმოქმნის ადეკვატურობის დასაბუთებას. ფასწარმოქმნის ადეკვატურობა უნდა დასაბუთდეს აკრედიტებული ორგანოს/პირის მიერ გაცემული ექსპერტიზის დასკვნით. ფასწარმოქმნის ადეკვატურობის დასაბუთებაზე ვრცელდება „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების მე-12 მუხლის მე-11- მე-14 პუნქტებით განსაზღვრული წესები.
- 2.8.2 პრეტენდენტს უნდა ჰქონდეს 2015-2016 წლებში ანალოგიური მომსახურების გაწევის გამოცდილება, ჯამური თანხით - არანაკლებ 10'000 (ათი ათასი) ლარი, რომლის დამადასტურებელი დოკუმენტები - ხელშეკრულებ(ებ)ა და ამავე ხელშეკრულებ(ებ)ის მიღება- ჩაბარების აქტ(ებ)ი ან/და ცხრილი განცხადების SPA ნომრებისა და თანხების მითითებით, უნდა აიტვირთოს ერთიან ელექტრონულ სისტემაში. იმ შემთხვევაში, თუ პრეტენდენტი ვერ წარმოადგენს მოთხოვნილ დოკუმენტაციას ან/და არ გააჩნია შესაბამისი გამოცდილება განხორციელებს მისი დისკვალიფიკაცია სატენდერო პროცედურიდან.

3. ხელშეკრულება სახელმწიფო შესყიდვის შესახებ №

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი

ერთი მხრივ, შპს „თბილისის სატრანსპორტო კომპანია“ (მის: ქ. თბილისი, ვაგზის მოედანი №2), წარმოდგენილი - გენერალური დირექტორის ალექსანდრე ჯაფარიძის სახით (შემდგომში „შემსყიდველი“) და მეორე მხრივ, _____ (იურიდიული მის: ქ. თბილისი, _____) წარმოდგენილი - _____ სახით (შემდგომში „მიმწოდებელი“), „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „რ“ ქვეპუნქტის, სახელმწიფო შესყიდვების სააგენტოს 2011 წლის 7 აპრილის №9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ მოთხოვნათა შესაბამისად და შემსყიდველის მიერ გამოცხადებული გამარტივებული ელექტრონული ტენდერის (_____ სახელმწიფო შესყიდვა) საფუძველზე, ვდებთ სახელმწიფო შესყიდვის შესახებ ხელშეკრულებას შემდეგზე:

1. ტერმინთა განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „შემსყიდველი ორგანიზაცია“ (შემდგომში - „შემსყიდველი“) - ორგანიზაცია, რომელიც „სახელმწიფო შესყიდვების შესახებ“ საქართველოს კანონით განსაზღვრული თანხებით ახორციელებს სახელმწიფო შესყიდვას.
- 1.2. „მიმწოდებელი“ - პირი, რომელმაც მოიპოვა გამარჯვება შემსყიდველის მიერ გამოცხადებულ ტენდერში (SPA_____).
- 1.3. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“)- შემსყიდველსა და მიმწოდებელს შორის დადებული წინამდებარე ხელშეკრულება, მასზე თანდართული და მიმწოდებლის მიერ წინამდებარე ხელშეკრულების 1.2 პუნქტში მითითებული, ტენდერისათვის წარმოდგენილი ყველა დოკუმენტით, მათ შორის:
 - 1.3.1 კარტრიჯების აღდგენა-დატუმბვის მომსახურების პრეისკურანტი (დღგ-ის ჩათვლით ლარში) (დანართი №1);
 - 1.3.2 ტექნიკური დავალება (დანართი №2);
 - 1.3.3 პრეტენდენტის რეკვიზიტები (დანართი №3);
 - 1.3.4 დამატებითი მოთხოვნები (დანართი №4).
- 1.4. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.5. „დღე“, „კვირა“, „თვე“ - კალენდარული დღე, კვირა, თვე.

2. ხელშეკრულების საგანი

- 2.1 ხელშეკრულების საგანს წარმოადგენს შემსყიდველი ორგანიზაციის მიერ _____ (შემდგომში „მომსახურება“) სახელმწიფო შესყიდვა.
- 2.2 შესყიდვის ობიექტის კლასიფიკატორის კოდი: _____.
- 2.3 გასაწევი მომსახურების დასახელება, ზომის ერთეული და ერთეულის ფასი განისაზღვრება დანართი №1-ის შესაბამისად.

3. ხელშეკრულების ღირებულება

- 3.1 ხელშეკრულების საერთო ღირებულება განისაზღვრება მიმწოდებლის მიერ წარმოდგენილი დანართი №1-ის შესაბამისად და შეადგენს ----- (-----) ლარს.
- 3.2 ხელშეკრულების ღირებულება მოიცავს, როგორც მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს და გადასახდელებს, დღგ-ის ჩათვლით.

4. მომსახურების გაწევის ვადა და ადგილი

- 4.1. აღდგენილი/დატუმბული კარტრიჯების მიწოდების ადგილია - ქ. თბილისი, ვაგზის მოედანი №2.
- 4.2. მომსახურების გაწევის ვადა: 2017 წლის 01 იანვრიდან - 2017 წლის 20 დეკემბრის ჩათვლით, ეტაპობრივად, შემსყიდველის მიერ წერილობითი მოთხოვნიდან - არაუგვიანეს __ სამუშაო დღის ვადაში.
- 4.3. მომსახურების გაწევასთან დაკავშირებულ ხარჯებს (მათ შორის საჭიროების შემთხვევაში ტრანსპორტირების) ანაზღაურებს მიმწოდებელი.

5. ხელშეკრულების შესრულების კონტროლი

- 5.1 მიმწოდებლის მიერ აღებული ვალდებულებების ჯეროვნად შესრულების მიზნით ხელშეკრულების მიმდინარეობის ნებისმიერ ეტაპზე შემსყიდველი უფლებამოსილია განახორციელოს ხელშეკრულების შესრულების კონტროლი.
- 5.2 შემსყიდველის მხრიდან ხელშეკრულების შესრულების კონტროლს ახორციელებენ: _____ (შემდგომში „ინსპექტორების ჯგუფი“)
- 5.3 ინსპექტორების ჯგუფის ფუნქციებია:
 - 5.3.1 გაუწიოს კონტროლი ხელშეკრულებით გათვალისწინებული მომსახურების გაწევის ვადების დაცვას;
 - 5.3.2 დაადგინოს გაწეული მომსახურების ან/და მისი ნაწილის ხარისხის შესაბამისობა ხელშეკრულებით გათვალისწინებულ მოთხოვნებთან;
 - 5.3.3 გააფორმოს მიმწოდებელთან მიღება-ჩაბარების აქტი და უზრუნველყოს გაწეული მომსახურების მიღება.

6. მომსახურების საგარანტიო პირობები და ვადები

- 6.1 კარტრიჯზე ნებისმიერი შეცვლილი დეტალი უნდა იყოს ახალი და ხარისხიანი.
- 6.2 მიმწოდებლის მიერ შეცვლილ ნაწილებზე, სწორი ექსპლუატაციის პირობებში, უნდა მოქმედებდეს საგარანტიო ვადა მიღება-ჩაბარების აქტის გაფორმებიდან --- თვე.
- 6.3 იმ შემთხვევაში, თუ საგარანტიო ვადის გასვლამდე, სწორი ექსპლუატაციის პირობებში, შეცვლილ სათადარიგო დეტალებს აღმოაჩნდება დეფექტი, ნაკლის აღმოფხვრის მიზნით შემსყიდველი მიმართავს მიმწოდებელს, რომელიც აღმოაჩენილ ნაკლოვანებას აღმოფხვრის უსასყიდლოდ.
- 6.4 უზარისხო აღდგენა-დატუმბვის შემთხვევაში, კარტრიჯის განმეორებითი აღდგენა-დატუმბვა უნდა განხორციელდეს კომპანიის სხვადასხვა ადგილას მდებარე ობიექტზე, შემსყიდველის მიერ წერილობითი მოთხოვნიდან - არაუმეტეს 2 (ორი) სამუშაო დღის ვადაში.

- 6.5 აღდგენილ კარტრიჯებს უნდა გააჩნდეთ დამცავი ლენტის (ტრანსპორტირებისას ფხვნილის კარტრიჯიდან გადმოყრის თავიდან ასაცილებლად), შეფუთული უნდა იყოს უსაფრთხო ტრანსპორტირების უზრუნველყოფისათვის აუცილებელი შეფუთვით, ასევე უნდა იყოს გასუფთავებული და არ იწვევდეს მომხმარებლის დასვრას ნარჩენი ტონერით.
- 6.6 ყველა აღდგენილ კარტრიჯს უნდა მოყვებოდეს აღდგენის შემდგომ კარტრიჯის ტესტირების ფურცელი.
- 6.7 დატუმბვის შემდეგ კარტრიჯმა მისი ექსპლუატაციის ნორმალურ პირობებში ფურცელზე არ უნდა დატოვოს ზედმეტი წერტილები და ხაზები.
- 6.8 აღდგენილ კარტრიჯებზე კარტრიჯის სრულ დაცვამდე უნდა ვრცელდებოდეს გარანტია, რომ ბეჭდვის ხარისხი და ნაბეჭდი ფურცლების რაოდენობრივი მახასიათებლები შესაბამისობაში იქნება ორიგინალი კარტრიჯის მწარმოებლის შესაბამის მონაცემებთან. წინააღმდეგ შემთხვევაში, მიმწოდებელი საკუთარი ხარჯებით განახორციელებს საჭირო დეტალების გამოცვლას ან/და დაზიანებული კარტრიჯის შეცვლას ახლით.

7. მომსახურების მიღება-ჩაბარების წესი

- 7.1 მიმწოდებლის მიერ გაწეული მომსახურება ჩაითვლება მიღებულად მიღება-ჩაბარების აქტის გაფორმების საფუძველზე.
- 7.2 მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია.
- 7.3 მიღება-ჩაბარების აქტი დგება მომსახურების (ან მისი ნაწილის) მიწოდების დასრულების შემდეგ.
- 7.4 მომსახურების მიღება და საბოლოო შემოწმება ხდება მომსახურების გაწევის ადგილზე.
- 7.5 მომსახურების (ან მისი ნაწილის) მიღების ან/და საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

8. ანგარიშსწორების პირობები და ვადები

- 8.1 ანგარიშსწორება განხორციელდება უნაღდო ანგარიშსწორების ფორმით ლარში, ფაქტიურად გაწეული მომსახურების მოცულობის შესაბამისად.
- 8.2 საბოლოო ანგარიშსწორება განხორციელდება ხელშეკრულებით ნაკისრი ვალდებულების სრულად შესრულების შემდეგ.
- 8.3 ანგარიშსწორება განხორციელდება 15 (თხუთმეტი) სამუშაო დღის განმავლობაში, ხელშეკრულების შესაბამისად გაფორმებული მიღება-ჩაბარების აქტისა და საგადასახადო ანგარიშ-ფაქტურის (იმ შემთხვევაში თუ მიმწოდებელი არ არის დღგ-ის გადახდელი, მაშინ მან უნდა წარმოადგინოს შესაბამისი ცნობა სსიპ შემოსავლების სამსახურიდან) წარდგენის საფუძველზე.
- 8.4 წინასწარი ანგარიშსწორება (ავანსი) არ გამოიყენება.
- 8.5 შემსყიდველი უფლებამოსილია მიმწოდებლის მიერ შემსყიდველისათვის ხელშეკრულებით გათვალისწინებული ნებისმიერი ასანაზღაურებელი თანხა (ასეთის არსებობის შემთხვევაში) გამოქვითოს ყოველი მიღება-ჩაბარების აქტის შესაბამისი, მიმწოდებელზე გადასარიცხი თანხიდან.
- 8.6 საქართველოს კანონმდებლობით გათვალისწინებული ყველა გადასახადის და გადასახდელის გადახდაზე პასუხისმგებელია მიმწოდებელი.

9. მხარეთა უფლება-მოვალეობანი

- 9.1 შემსყიდველი და მიმწოდებელი მოქმედებს „სახელმწიფო შესყიდვების შესახებ“ საქართველოს კანონის მოთხოვნათა სრული დაცვით.
- 9.2 შემსყიდველი უფლებამოსილია:
- 9.2.1 განახორციელოს ზედამხედველობა მიმწოდებლის მიერ ხელშეკრულების პირობების დაცვაზე;
- 9.2.2 მომსახურების გაწევის ვადების დარღვევის შემთხვევაში, მიმწოდებლისაგან მოითხოვოს პირგასამტეხლოს გადახდა ხელშეკრულებით გათვალისწინებული ოდენობის შესაბამისად;
- 9.3 შემსყიდველი ვალდებულია:
- 9.3.1 მიიღოს გაწეული მომსახურება;
- 9.3.2 მოახდინოს მიმწოდებელთან ანგარიშსწორება წინამდებარე ხელშეკრულებით გათვალისწინებული წესების შესაბამისად;
- 9.3.3 განახორციელოს ამ ხელშეკრულებით მასზე დაკისრებული სხვა ვალდებულებები.
- 9.4 მიმწოდებელი უფლებამოსილია:
- 9.4.1 მოითხოვოს შემსყიდველისგან გაწეული მომსახურების ღირებულების ანაზღაურება ხელშეკრულებით გათვალისწინებული პირობების შესაბამისად;
- 9.4.2 ანგარიშსწორების ვადის დარღვევის შემთხვევაში, შემსყიდველისაგან მოითხოვოს პირგასამტეხლოს გადახდა ხელშეკრულებით გათვალისწინებული ოდენობის შესაბამისად.
- 9.5 მიმწოდებელი ვალდებულია:
- 9.5.1 მიაწოდოს შემსყიდველს ხარისხიანი მომსახურება;
- 9.5.2 მომსახურების გაწევა განახორციელოს წინამდებარე ხელშეკრულების დანართი №1-ის და დანართი №4-ის შესაბამისად;
- 9.5.3 განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე. აგრეთვე, დაუყოვნებლივ განახორციელოს ქმედებები აღმოჩენილი ხარვეზის გამოსწორებისათვის;
- 9.5.4 შემსყიდველს უმოკლეს ვადაში აცნობოს მისი ორგანიზაციის მოსალოდნელი რეორგანიზაციის ან/და ლიკვიდაციის შესახებ;
- 9.5.5 განახორციელოს ამ ხელშეკრულებით მასზე დაკისრებული სხვა ვალდებულებები.

10. ხელშეკრულებაში ცვლილებების შეტანა

- 10.1 ხელშეკრულების დამდებ არც ერთ მხარეს უფლება არ აქვს ცალმხრივად შეცვალოს ხელშეკრულების პირობები.
- 10.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 10.3 დაუშვებელია ნებისმიერი ცვლილება, რომელსაც მოჰყვება ხელშეკრულების ღირებულების გაზრდა ან შემსყიდველისათვის პირობების გაუარესება, გარდა საქართველოს სამოქალაქო კოდექსის 398-ე მუხლით დადგენილი შემთხვევისა.
- 10.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.
- 10.5 ხელშეკრულების პირობების ნებისმიერი ცვლილება უნდა გაფორმდეს შეთანხმების სახით, რომელიც თან დაერთვება ხელშეკრულებას და ჩაითვლება მის განუყოფელ ნაწილად.

11. ხელშეკრულების შეწყვეტა

- 11.1 ხელშეკრულება შეიძლება შეწყდეს:
- 11.1.1 მხარეთა წერილობითი შეთანხმებით;
- 11.1.2 ხელშეკრულების ვადის გასვლის გამო;
- 11.1.3 საქართველოს კანონმდებლობით ან/და ამ ხელშეკრულებით გათვალისწინებულ სხვა შემთხვევებში.
- 11.2 შემსყიდველი უფლებამოსილია ცალმხრივად შეწყვიტოს ხელშეკრულება (მოთიანად ან ნაწილობრივ), თუ:
- 11.2.1 მიმწოდებელი არ ასრულებს ან არაჯეროვნად ასრულებს ხელშეკრულებით ნაკისრ ვალდებულებებს;
- 11.2.2 მიმწოდებელი სისტემატიურად ან/და უხეშად არღვევს ხელშეკრულების პირობებს;

- 11.2.3 მიმწოდებელი ხელშეკრულებით გათვალისწინებულ ან გაგრძელებულ ვადებში ვერ უზრუნველყოფს ხელშეკრულებით გათვალისწინებული ვალდებულებების შესრულებას;
- 11.2.4 მიმწოდებლის გაკოტრების შემთხვევაში;
- 11.2.5 საქართველოს კანონმდებლობით გათვალისწინებულ სხვა შემთხვევებში.

12. მხარეთა პასუხისმგებლობა

- 12.1 მხარეები იღებენ ვალდებულებას, აუნაზღაურონ მეორე მხარეს მათ მიერ წინამდებარე ხელშეკრულების შეუსრულებლობის ან არაჯეროვანი შესრულების შედეგად მიყენებული ზიანი, საქართველოს მოქმედი კანონმდებლობით განსაზღვრული წესით.
- 12.2 შემსყიდველი პასუხისმგებელია ხელშეკრულებით გათვალისწინებული ანგარიშსწორების ვადების დარღვევისათვის. ასეთი დარღვევის არსებობის შემთხვევაში, იგი ვალდებულია პირგასამტეხლოს სახით მიმწოდებელს გადაუხადოს გადასახდელი თანხის 0.1% ყოველი ვადაგადაცილებული დღისათვის.
- 12.3 მიმწოდებელი პასუხისმგებელია წინამდებარე ხელშეკრულების მე-4 პუნქტით განსაზღვრული მომსახურების გაწევის ვადების დარღვევისათვის. ასეთი დარღვევის არსებობის შემთხვევაში იგი ვალდებულია, პირგასამტეხლოს სახით შემსყიდველს გადაუხადოს ხელშეკრულების მთლიანი ღირებულების 0.5 პროცენტი ყოველი ვადაგადაცილებული დღისათვის.
- 12.4 თუ მომსახურების გაწევისას (მათ შორის საგარანტიო ვადის პერიოდში) არ განახორციელებს წუნდებული მომსახურების გამოსწორებას, ხელშეკრულების მე-6.4 პუნქტის შესაბამისად, დაეკისრება პირგასამტეხლოს სახით ხელშეკრულების მთლიანი ღირებულების 0.5 პროცენტი ყოველი ვადაგადაცილებული დღისათვის.
- 12.5 პირგასამტეხლოს გადახდა არ ათავისუფლებს მხარეებს ძირითადი ვალდებულების შესრულებისაგან.

13. ფორს-მაჟორი

- 13.1 მხარეები თავისუფლდებიან პასუხისმგებლობისაგან თუ ხელშეკრულებით ნაკისრი ვალდებულებების შეუსრულებლობა გამოწვეულია ფორს-მაჟორული მდგომარეობით ან/და მხარეები ხელშეკრულების შესრულების პროცესში წააწყდებიან ისეთ ხელშემშლელ გარემოებებს, რომელიც გამოწვეულია მათგან დამოუკიდებელი სხვა ობიექტური მიზეზებით. ასეთი ვითარების არსებობის შემთხვევაში ხელშეკრულების პირობების ან რომელიმე მათგანის მოქმედების შეჩერება არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.
- 13.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ფორს-მაჟორს მიეკუთვნება ბუნებრივი ხდომილებანი ან პოლიტიკური, სამხედრო, სამართლებრივი, შრომითი, სოციალური, საგანგებო და შეუქცევადი გარემოებები (დაუძლეველი ძალა), როგორცაა ომი, სტიქიური მოვლენები, ეპიდემია და ა.შ.
- 13.3 მხარე, რომელიც ხელშეკრულების 13.1 პუნქტით გათვალისწინებული შემთხვევების გამო ვერ ასრულებს ხელშეკრულებით ნაკისრ ვალდებულებას, ვალდებულია დაუყოვნებლივ წერილობით აცნობოს მეორე მხარეს ვალდებულებების შეუსრულებლობის გამომწვევი მიზეზებისა და მისი შესაძლო ხანგრძლივობის შესახებ, ხოლო შეტყობინებიდან გონივრულ ვადაში წარმოადგინოს ფორს-მაჟორული ან/და სხვა ხელშემშლელი გარემოების დამადასტურებელი დოკუმენტი შესაბამისი კომპეტენტური ორგანოდან, რომელიც დაადასტურებს წერილში მოყვანილ გარემოებებს.
- 13.4 ფორს-მაჟორული ან/და სხვა ხელშემშლელი გარემოებების დადგომის შემთხვევაში თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.
- 13.5 ხელშეკრულების 13.3 პუნქტით გათვალისწინებული პირობების დაცვის შემთხვევაში მხარეები უფლებამოსილნი არიან გადახდონ ხელშეკრულების პირობებს და შეიტანონ მასში შესაბამისი ცვლილება ვალდებულების შესრულების ვადის გაგრძელებასთან დაკავშირებით ან/და ვადამდე შეწყვიტონ ხელშეკრულების მოქმედება.

14. დავების გადაწყვეტა

მხარეთა შორის წინამდებარე ხელშეკრულებიდან გამომდინარე ნებისმიერი დავა გადაწყდება ურთიერთშეთანხმების გზით. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს მოქმედი კანონმდებლობით დადგენილი წესის შესაბამისად.

15. ხელშეკრულების სხვა პირობები

- 15.1 ხელშეკრულების არც-ერთ მხარეს არა აქვს უფლება მეორე მხარის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.
- 15.2 ამ ხელშეკრულებით გაუთვალისწინებელი საკითხები განისაზღვრება საქართველოს მოქმედი კანონმდებლობის შესაბამისად.
- 15.3 ხელშეკრულება შედგენილია ქართულ ენაზე, ორი თანაბარი იურიდიული ძალის მქონე ეგზემპლარად, რომელთაგან თითოეული ეგზემპლარი ინახება ხელშეკრულების მონაწილე მხარეებთან.

16. ხელშეკრულების მოქმედების ვადა

- 16.1 ხელშეკრულება ძალაშია მისი ხელმოწერის დღიდან და მოქმედებს -----წლის -----ჩათვლით (-----) გარდა ამ ხელშეკრულების მე-6 და 12.4 პუნქტებისა.
- 16.2 ხელშეკრულების მე-6 და 12.4 პუნქტები ძალაშია ხელმოწერის დღიდან და მოქმედებს საგარანტიო ვადის სრული პერიოდის განმავლობაში.

17. მხარეთა რეკვიზიტები:

„შემსყიდველი“
შპს „თბილისის სატრანსპორტო კომპანია“
საიდენტიფიკაციო ნომერი: 202886788
იურიდ. მის: ქ. თბილისი, ვაგზლის მოედანი №2
ტელ: (995 32) 2 93 50 50.
სს თიბისი ბანკი
ა/ა GE67TB7931836070100001; ბანკის კოდი: TBCBGE22

„მიმწოდებელი“
საიდენტიფიკაციო ნომერი: _____
იურიდ. მის: _____
ტელ: (995 32) _____.
ა/ა _____; ბანკის კოდი: _____

კარტრიჯების აღდგენა-დატუმბვის მომსახურების პრეისკურანტი

„___“ _____ 2016 წ.
(შევსების თარიღი)

_____ აღნიშნულ მომსახურებას გთავაზობთ _____ (_____) ლარად (პრეისკურანტის ღირებულება) (დღგ-ის ჩათვლით)*.
(პრეტენდენტის დასახელება) (თანხა ციფრებით) (თანხა სიტყვიერად)

№	მომსახურების დასახელება	ზომის ერთეული	რაოდენობა	მომსახურების გაწევისათვის საჭირო საქონლის (ტონერის) წარმოშობის ქვეყანა	მომსახურების გაწევისათვის საჭირო საქონლის მწარმოებელი ფირმა	მომსახურების გაწევისათვის საჭირო საქონლის მოდელი (არსებობის შემთხვევაში)	პრეტენდენტის მიერ შემოთავაზებული ერთეულის ფასი არ უნდა აღემატებოდეს ამ სვეტში მითითებულ ერთეულის ფასებს	პრეტენდენტის მიერ შემოთავაზებული პრეისკურანტის ერთეულის ფასები	მიწოდების ვადა: 2017 წლის 01 იანვრიდან - 2017 წლის 20 დეკემბრის ჩათვლით ეტაპობრივად, შემსყიდველის მიერ წერილობითი მოთხოვნიდან	საგარანტიო ვადა - მიღება - ჩაბარების აქტის გაფორმების თარიღიდან
I	II	III	IV	V	VI	VII	VIII	IX	X	XI
1	LaserJet HP 1522- ის - HP 36A(CB436A) კარტრიჯის დატუმბვა	ც	1				13		----- სამუშაო დღის ვადაში.	----- თვე.
2	HP 1102W-ის CE285A კარტრიჯის დატუმბვის მომსახურება	ც	1				13		----- სამუშაო დღის ვადაში.	----- თვე.
3	HP LaserJet Pro 400 Printer M401 dne-ის HP 80A (CF280A) კარტრიჯის დატუმბვის მომსახურება	ც	1				16		----- სამუშაო დღის ვადაში.	----- თვე.
4	HP Lasrjet 1010/1020/1022- ის HP 12A (Q2612A) კარტრიჯის დატუმბვის მომსახურება	ც	1				13		----- სამუშაო დღის ვადაში.	----- თვე.
5	Xerox WC 3210/3220-ის Xerox 106R01485 კარტრიჯის დატუმბვის მომსახურება	ც	1				17		----- სამუშაო დღის ვადაში.	----- თვე.
6	Xerox Phaser 3117-ის 106R01159 კარტრიჯის დატუმბვის მომსახურება	ც	1				17		----- სამუშაო დღის ვადაში.	----- თვე.
7	LaserJet HP 1005/1006-ის HP35A (CB435A) კარტრიჯის დატუმბვის მომსახურება	ც	1				13		----- სამუშაო დღის ვადაში.	----- თვე.
8	HP LaserJet 4350- ის HP 42A კარტრიჯის დატუმბვის მომსახურება	ც	1				35		----- სამუშაო დღის ვადაში.	----- თვე.
9	HP L J 1160-ის Q5949A კარტრიჯის დატუმბვის მომსახურება	ც	1				15		----- სამუშაო დღის ვადაში.	----- თვე.

10	HP LaserJet 400 color MFP M475 dn -ის კარტრიჯის დატუმბვის მომსახურება	კომპლ.	1				17		----- სამუშაო დღის ვადაში.	----- ოვე.
11	HP LaserJet Pro M1536dnf-ის HP 78A (CE278A) კარტრიჯის დატუმბვის მომსახურება	ც	1				13		----- სამუშაო დღის ვადაში.	----- ოვე.
12	HP laserJet Pro 127 fn 83A კარტრიჯის დატუმბვის მომსახურება	ც	1				13		----- სამუშაო დღის ვადაში.	----- ოვე.
13	HP CM 1415fnw პრინტერისათვის კეტრიჯის დატუმბვის მომსახურება	კომპლ.	1				100		----- სამუშაო დღის ვადაში.	----- ოვე.
14	Canon iR 2530i პრინტერისათვის კეტრიჯის დატუმბვის მომსახურება	ც	1				35		----- სამუშაო დღის ვადაში.	----- ოვე.

**(*) დღგ-ის გადამხდელის შემთხვევაში სატენდერო წინადადების ფასი წარმოდგენილი უნდა იყოს დღგ-ის გათვალისწინებით.*

შენიშვნა:

- პრეტენდენტის მიერ სისტემის მეშვეობით წარდგენილი წინადადების ფასი არ უნდა აღემატებოდეს სატენდერო დოკუმენტაციით განსაზღვრული პრეისკურანტის სავარაუდო ღირებულებას და ელექტრონული ვაჭრობის შედეგად წინადადების ფასის კლება შესაძლებელია განხორციელდეს მხოლოდ პრეისკურანტის სავარაუდო ღირებულებასთან მიმართებაში.
- ელექტრონული ვაჭრობის შედეგად დაფიქსირებული ფასის შესაბამის დაზუსტებულ მომსახურების პრეისკურანტში (ასეთის არსებობის შემთხვევაში), ერთეულის ფასის ცვლილება უნდა განხორციელდეს პირველად და ელექტრონული ვაჭრობის შედეგად დაფიქსირებულ ფასებს (პრეისკურანტის სავარაუდო ღირებულება) შორის პროცენტული სხვაობის შესაბამისად.
- ტენდერში ელექტრონული ვაჭრობა გაიმართება პრეისკურანტის მეშვეობით, რომლის სავარაუდო ღირებულება შეადგენს - 330 ლარს.
- ხელშეკრულება გამარჯვებულ კომპანიასთან გაფორმდება - 12'000 ლარზე.
- მე-10 გრაფაში პრეტენდენტმა უნდა მიუთითოს მომსახურების გაწევის კონკრეტული ვადა ტექნიკური დოკუმენტაციის 2.2 პუნქტის 2.2.1 ქვეპუნქტის შესაბამისად.
- მე-11 გრაფაში პრეტენდენტმა უნდა მიუთითოს კონკრეტული საგარანტიო ვადა ტექნიკური დოკუმენტაციის 2.5 პუნქტის 2.5.2 ქვეპუნქტის შესაბამისად.

(პასუხისმგებელი პირის თანამდებობა, სახელი გვარი)

ხელმოწერა

ტექნიკური დავალება

№	კლასიფიკატორის კოდი CPV	საქონლის დასახელება	სატენდერო დოკუმენტაციით განსაზღვრული საქონლის ტექნიკური პარამეტრები	მითითება შესაბამისობის შესახებ ან პრეტენდენტის მიერ შემოთავაზებული საქონლის ტექნიკური პარამეტრები*
I	II	III	IV	V
1	CPV503000000	LaserJet HP 1522-ის - HP 36A(CB436A) კარტრიჯის დატუმბვა	დატუმბული კარტრიჯი უნდა ბეჭდავდეს არანაკლებ 1500 ეგზემპლარს ფურცლის 5%-იანი დატვირთვისას. დამუხტვა უნდა ხორციელდებოდეს მოდელთან თავსებადი ტონერით. საუკეთესო ბეჭდვის ხარისხის მისაღწევად (მკაფიო, შავი ფერი) უნდა ხორციელდებოდეს კარტრიჯის აღდგენა და იცვლებოდეს ახალზე ყველა საჭირო დეტალი.	
2	CPV503000000	HP 1102W-ის CE285A კარტრიჯის დატუმბვის მომსახურება	დატუმბული კარტრიჯი უნდა ბეჭდავდეს არანაკლებ 1500 ეგზემპლარს ფურცლის 5%-იანი დატვირთვისას; დამუხტვა უნდა ხორციელდებოდეს მოდელთან თავსებადი ტონერით. საუკეთესო ბეჭდვის ხარისხის მისაღწევად (მკაფიო შავი ფერი) უნდა განხორციელდეს კარტრიჯის აღდგენა და შეიცვალოს ახალზე ყველა საჭირო დეტალი. მომწოდებელმა უნდა უზრუნველყოს დატენილი კარტრიჯის შეუფერხებელი მუშაობა პრინტერზე.	
3	CPV503000000	HP LaserJet Pro 400 Printer M401 dne-ის HP 80A (CF280A) კარტრიჯის დატუმბვის მომსახურება	დატუმბული კარტრიჯი უნდა ბეჭდავდეს - არანაკლებ 2200 ეგზემპლარს ფურცლის 5%-იანი დატვირთვისას; დამუხტვა უნდა ხორციელდებოდეს მოდელთან თავსებადი ტონერით. საუკეთესო ბეჭდვის ხარისხის მისაღწევად (მკაფიო შავი ფერი) უნდა განხორციელდეს კარტრიჯის აღდგენა და შეიცვალოს ახალზე ყველა საჭირო დეტალი. მომწოდებელმა უნდა უზრუნველყოს დატენილი კარტრიჯის შეუფერხებელი მუშაობა პრინტერზე.	
4	CPV503000000	HP Lasrjet 1010/1020/1022-ის HP 12A (Q2612A) კარტრიჯის დატუმბვის მომსახურება	დატუმბული კარტრიჯი უნდა ბეჭდავდეს არანაკლებ 1500 ეგზემპლარს ფურცლის 5%-იანი დატვირთვისას; დამუხტვა უნდა ხორციელდებოდეს მოდელთან თავსებადი ტონერით. საუკეთესო ბეჭდვის ხარისხის მისაღწევად (მკაფიო შავი ფერი) უნდა განხორციელდეს კარტრიჯის აღდგენა და შეიცვალოს ახალზე ყველა საჭირო დეტალი.	
5	CPV503000000	Xerox WC 3210/3220-ის Xerox 106R01485 კარტრიჯის დატუმბვის მომსახურება	დატუმბული კარტრიჯი უნდა ბეჭდავდეს არანაკლებ 1500 ეგზემპლარს ფურცლის 5%-იანი დატვირთვისას. დამუხტვა უნდა ხორციელდებოდეს მოდელთან თავსებადი ტონერით. საუკეთესო ბეჭდვის ხარისხის მისაღწევად (მკაფიო, შავი ფერი) უნდა ხორციელდებოდეს კარტრიჯის აღდგენა და იცვლებოდეს ახალზე ყველა საჭირო დეტალი. მომწოდებელმა უნდა უზრუნველყოს დატენილი კარტრიჯის შეუფერხებელი მუშაობა პრინტერზე.	

[illegible]

13	CPV50300000	HP CM 1415fnw პრინტერისათვის კარტრიჯის დატუმბვის მომსახურება	დატუმბული კარტრიჯი უნდა ბეჭდავდეს 2000-მდე (შავი), 1500- მდე (ფერადები) ეგზემპლარს ფურცლის 5%-იანი დატვირთვისას. დამუხტვა უნდა ხორციელდებოდეს მოდელთან თავსებადი ტონერით. საუკეთესო ბეჭდვის ხარისხის მისაღწევად უნდა ხორციელდებოდეს კარტრიჯის აღდგენა და იცვლებოდეს ახალზე ყველა საჭირო დეტალი. მომწოდებელმა უნდა უზრუნველყოს დატენილი კარტრიჯის შეუფერხებელი მუშაობა პრინტერზე.	
14	CPV50300000	Canon iR 2530i პრინტერისთვის კარტრიჯის დატუმბვის მომსახურება	დატუმბული კარტრიჯი უნდა ბეჭდავდეს არანაკლებ 14500 ეგზემპლარს ფურცლის 5%-იანი დატვირთვისას. დამუხტვა უნდა ხორციელდებოდეს მოდელთან თავსებადი ტონერით. მომწოდებელმა უნდა უზრუნველყოს დატენილი კარტრიჯის შეუფერხებელი მუშაობა პრინტერზე.	

შენიშვნა:

- იმ შემთხვევაში, როცა ტექნიკური დავალების (დანართი №2) მე-4 გრაფაში შემსყიდველის მიერ განსაზღვრულია მომსახურების ტექნიკური პარამეტრების დასაშვები დიაპაზონი, პრეტენდენტმა მე-5 გრაფაში უნდა მიუთითოს შემოთავაზებული მომსახურების კონკრეტული ტექნიკური პარამეტრები;
- იმ შემთხვევაში, როცა ტექნიკური დავალების (დანართი №2) მე-4 გრაფაში შემსყიდველის მიერ განსაზღვრულია მომსახურების კონკრეტული ტექნიკური პარამეტრები, პრეტენდენტმა მე-5 გრაფაში უნდა გააკეთოს მითითება შემოთავაზებული მომსახურების ტექნიკური პარამეტრების სატენდერო დოკუმენტაციით განსაზღვრულ ტექნიკურ პარამეტრებთან შესაბამისობის შესახებ.

(პასუხისმგებელი პირის თანამდებობა, სახელი გვარი)

ხელმოწერა

პრეტენდენტის რეკვიზიტები:

პრეტენდენტის იურიდიული ფორმა და დასახელება:

საიდენტიფიკაციო/ პირადი ნომერი:

ხელმძღვანელის სახელი და გვარი:

პრეტენდენტის იურიდიული მისამართი:

პრეტენდენტის ფაქტიური მისამართი:

პრეტენდენტის საკონტაქტო ტელეფონის ნომერი:

ელექტრონული ფოსტის მისამართი:

ბანკის დასახელება:

ბანკის კოდი:

ანგარიშსწორების ანგარიში:

(პასუხისმგებელი პირის თანამდებობა, სახელი გვარი)

ხელმოწერა

დამატებითი მოთხოვნები

კარტრიჯზე ნებისმიერი შეცვლილი დეტალი უნდა იყოს ახალი და ხარისხიანი.

მიმწოდებლის მიერ შეცვლილ ნაწილებზე, სწორი ექსპლუატაციის პირობებში, უნდა მოქმედებდეს საგარანტიო ვადა - მიღება- ჩაბარების აქტის გაფორმების თარიღიდან მინიმუმ 6 (ექვსი) თვე. იმ შემთხვევაში, თუ საგარანტიო ვადის გასვლამდე, სწორი ექსპლუატაციის პირობებში, შეცვლილ სათადარიგო დეტალებს აღმოაჩნდება დეფექტი, ნაკლის აღმოფხვრის მიზნით შემსყიდველი მიმართავს მიმწოდებელს, რომელიც აღმოჩენილ ნაკლოვანებას აღმოფხვრის უსასყიდლოდ.

უხარისხო აღდგენა-დამუხტვის შემთხვევაში, კარტრიჯის განმეორებითი აღდგენა-დამუხტვა უნდა განხორციელდეს კომპანიის სხვადასხვა ადგილას მდებარე ობიექტზე, შემსყიდველის მიერ წერილობითი მოთხოვნიდან - არაუმეტეს 2 (ორი) სამუშაო დღის ვადაში. აღდგენილ კარტრიჯებს უნდა გააჩნდეთ დამცავი ლენტის (ტრანსპორტირებისას ფხვნილის კარტრიჯიდან გადმოყრის თავიდან ასაცილებლად), შეფუთული უნდა იყოს უსაფრთხო ტრანსპორტირების უზრუნველყოფისათვის აუცილებელი შეფუთვით, ასევე უნდა იყოს გასუფთავებული და არ იწვევდეს მომხმარებლის დასვრას ნარჩენი ტონერით.

ყველა აღდგენილ კარტრიჯს უნდა მოყვებოდეს აღდგენის შემდგომ კარტრიჯის ტესტირების ფურცელი.

დატენვის შემდეგ კარტრიჯმა მისი ექსპლუატაციის ნორმალურ პირობებში ფურცელზე არ უნდა დატოვოს ზედმეტი წერტილები და ხაზები.

აღდგენილ კარტრიჯებზე კარტრიჯის სრულ დაცლამდე უნდა ვრცელდებოდეს გარანტია, რომ ბეჭდვის ხარისხი და ნაბეჭდი ფურცლების რაოდენობრივი მახასიათებლები შესაბამისობაში იქნება ორიგინალი კარტრიჯის მწარმოებლის შესაბამის მონაცემებთან. წინააღმდეგ შემთხვევაში, მიმწოდებელი საკუთარი ხარჯებით განახორციელებს საჭირო დეტალების გამოცვლას ან/და დაზიანებული კარტრიჯის შეცვლას ახლით.

კარტრიჯის დატუმბვის/აღდგენის ფასის წარმოდგენისას პრეტენდენტმა უნდა გაითვალისწინოს, რომ აღნიშნული ფასი უნდა მოიცავდეს როგორც დაცლილი კარტრიჯის ფხვნილით შევსებას, ასევე საჭიროების შემთხვევაში დაზიანებული დეტალების (დანები, დრამი, დამმუხტავი თუ მაგნიტური ლილვები და ა.შ.) გამოცვლას.

(პასუხისმგებელი პირის თანამდებობა, სახელი გვარი)

ხელმოწერა